

PÓLU KALATA'N M'Ó HĒLELI NWANLIN FILEMÓN'N

M'ó wó nun'n

Mó Póló 'kéle kalata ehi ó nwan Filemón'n, anún ó la fiadi. Ó 'ba yó sò'n, anún Filemón wó kulo'n mọ bẹ fẹle yí Kolósú nun asú, ó kọ ebele asónun'n bie. Yí awulo ebele bọbọ yê bẹ yó asónun nun ó. Afi, Póló y'ó man Filemón leli Kilisi lili ó.

Anún Filemón le yí kanga kún. Kanga sò'n li Onezimón. Onezimón, yí bú y'ó le ké bukafúe, mọ yí nwón cian. Kanga sò'n nwanndili Filemón ó hálí tólí Póló fiadi sua nun anún eló. Póló anwón ebele, Onezimón kọ le Zozi Kilisi kọ li. Ó kọ buka Póló kpa. Nan kemó Póló amanngón y'ó le Filemón m'ó de yí di'n, anún ó tí kpa ké ó man Onezimón sa kọ Filemón anwón eló. Afi, mala'n m'ó wó nun'n y'ó le ké kanga biala m'ó kọ nwanndi yí mún'n nán bẹ cí yí a, bẹ pinnin yí sele kpa. Ehika ati, Póló kọ hẹle kalata ó kọ nwan Filemón. Kalata nun anún, ó le di Onezimón ati mgbata ké ó sọ yí nun kanlanman. Nán man ó bu Onezimón ké kanga, nan ó bú yí ké yí nianman Kilisi dunman nun.

Ahún ebisa

¹ Filemón,

Mín Póló mọ Kilisi Zozi dunman nun b'a tó mín fiadi'n, mún nún anianman Timote, yẹ lẹ kéle kalata ehi yẹ nwan wó. É tí yé ehulo anianman kpa wó yé junman nun anún. ² Yẹ 'bisa wó ahún, é nún yé nianman bala Apia, ó nún Aasipó m'ó buka yé

wawε nun kuvan nun anun'n, ɔ non asɔnun mma'n-mɔ kwalaa mɔ be yia wɔ awulo ebele'n.

³ Yé Sɪ Nyanmian Kpili ɔ non yé Mɪn Zozi Kilisi, be nwún emɔ anwɔn anwunnvoe, εεε be cíci emɔ alba.

Dedi non ehulo mɔ Filemon le yí'n

⁴ Cian daa se mɪn 'sele a, mɪn ti kacɪ wɔ, mɪn da Nyanmian asɪ wɔ wɔ dunman nun. ⁵ Ɔ sanlɪn ke ehulo mɔ ε kulo Nyanmian anwɔntɪε mma'n-mɔ kwalaaatin'n, ɔ non dedi mɔ ε le yí wɔ yé Mɪn Zozi nun'n, mɪn ti ke menian'n-mɔ kan yí nwɔn ejɔle kpa. ⁶ Mɪn sele Nyanmian ke wɔ dedi'n m'ɔ non yé diε'n ti kuv'n dunman nun, ɔ mán ε bó mɔndɪnlɪn ε lí junman kpa ε hó wɔ nyunnun, nán a nwun ninnge mgbakpa'n mɔ ye le yí wɔ Kilisi anun'n kpa bɔkɔɔ. ⁷ Ehi ati, m'an li fe kpa, εεε mɪn lɔa a cíci ɔ sanlɪn ke ehulo mɔ ε kulo Nyanmian anwɔntɪε mma'n-mɔ nun a man bé ahɔnlɪn a tɔ bé kunnun.

Onezimɔn ati mgbata elie'n

⁸ Ɔ ti ananhɔle ke Kilisi dunman nun, n ne atɪn mɪn kele wɔ like m'ɔ se ke ε yɔ ɔ, ⁹ nan kuvɔ ehulo'n dunman nun, mɪn bɔtɔ wɔ mɪn sele wɔ like kuv. Mɪn, Pɔlv, mɔ n di sɔanlan kpain, mɔ εεε b'a hyɪ mɪn b'a tɔ fiadɪ wɔ Kilisi Zozi dunman nun'n, ¹⁰ mɪn di mɪn wa Onezimɔn ati mgbata. Mɪn mɔ b'a bɔ mɪn kpaun'n, ɔ ti mɪn wa. Afi, mɪn sa nun εwa yê ɔ'a le Kilisi ɔ'a li ɔ. ¹¹ Daba, anɪn ɔ ti sɔanlan m'ɔ ngvɔla man like fíi yɔ man wɔ ɔ. Nan sian diε, ɔ kvala wɔ non mɪn bɔka kpa.

¹² Yí ti, mɪn man ɔ sa ba wɔ nwɔn εlɔ, yí m'ɔ ti ke mɪn nwɔnnaan'n sin'n. ¹³ Kemɔ Ejɔlekpa'n dunman nun b'a bɔ mɪn kpaun'n, mɪn kulo ke ahan ɔ di wɔ ja nun εwa ɔ nɪan mɪn. ¹⁴ Nan kuvɔ mɪn

ngulo man ke mɪn bu wɔ́ nzin mɪn yɔ́ like fíí, nán wɔ́ ye eyɔ́le nun a nyɔ́ man ke ememian like. Nan se ɔ́ yɔ́ wɔ́ kunnun sɔ́ a, kanlanman nun ahi. ¹⁵ E 'su yí akpɔ́lɔ́wa a, ɔ́ yacili wɔ́ ɔ́ hyɔ́nlɪn yí nzin kaan, yí diɛ, anɪn ɔ́ nɔ́n wɔ́ tanlan dahuu. ¹⁶ Mɪn man ɔ́ sa ba wɔ́ nwɔ́n elɔ́ biekun. Kɔ́sɔ́ sian diɛ, n'ɛ bu yí ke kanga kún, nan bu yí ke ɔ́ ti kpa tala kanga, bu yí ke wɔ́ ehulo anianman kpa. Mɪn diɛ, ɔ́'a kaci mɪn nianman mɔ́ yí nwɔ́n cian mɪn seɛ kpa. Yí nwɔ́n 'ba hian wɔ́ seɛ kpa, afi ɔ́ ti wɔ́ kanga, ɛse ɔ́ ti wɔ́ nianman wɔ́ yé Mɪn nun.

¹⁷ Yí ti, se ɛ bu mɪn ke wɔ́ manngɔ́n y'ɔ́ le mɪn an, anɪn sɔ́ yí nun kpa ke mɪn yê ɛ le sɔ́ mɪn nun ɔ́. ¹⁸ Se ɔ́'a yɔ́ wɔ́ ɛte bie a, se kɔ́sɔ́ ɔ́ tua wɔ́ kale a, fa yí kwalaa gua mɪn sɔ́. ¹⁹ Mɪn muonun, n ne mɪn sa mɪn keɛ wɔ́ ke: Mɪn Pɔ́lɔ́, mɪn 'tua kale sɔ́'n mɪn man wɔ́. Mɪn yê m man ɛ nyanlɪn ngɔ́an ɔ́, nan kɔ́sɔ́ mɪn ngulo man ke mɪn kaci wɔ́ ke wɔ́ kɔ́sɔ́ ɛ tua mɪn kale, ɛ tua mɪn ngɔ́an. ²⁰ ɔ́ ti sɔ́, anianman, yé Mɪn dunman nun, mɪn bɔ́tɔ́ wɔ́, sɔ́ yí nun man mɪn maan mɪn ahɔ́nlɪn tɔ́ mɪn kunnun wɔ́ Kilisi ehulo nun anwɔ́n. ²¹ Mɪn de mɪn di ke ehi mɔ́ mɪn keɛ mɪn nwan wɔ́'n, kemɔ́ ɛ bu mɪn sɔ́anlan'n, like'n mɔ́ mɪn seɛ wɔ́ ke ɛ yɔ́'n, ɛ 'yɔ́ bɔ́bɔ́ maan ɔ́ tala sɔ́.

Ngaliɛ

²² Wɔ́ sa kan mɪn ngaliɛ nun an, sesie dabeɛ kɔ́n man mɪn. Afi, mɪn de mɪn di ke Nyanmɪan Kpili 'ba tie ɛmɔ́ mmɔ́tɔ́ɛ'n-mɔ́ maan be yí mɪn mɪn 'ba nɪan ɛmɔ́ abɔ́sɔ́.

²³ Epafalasi mɔ́ Kilisi Zozi dunman nun b'a tɔ́ yí nun mɪn fiadi'n, yí nwan ɔ́ 'yɔ́ wɔ́ like, ²⁴ ɔ́ nɔ́n Maaki, ɔ́ nɔ́n Alisitaki, ɔ́ nɔ́n Demasi, ɔ́ nɔ́n Luku, mɔ́ be nɔ́n mɪn di junman'n.

25 **Yé** Mɪn Zozi Kilisi nwún emɔ anwɔn anwun-
nvoe.

Nyɥhyɛ Fɔfɔlɛ'n
Anyin: Nyɥhyɛ Fɔfɔlɛ'n New Testament

copyright © 1997 Wycliffe Bible Translators, Inc.

Language: Agni Sanvi

Contributor: Wycliffe Bible Translators, Inc.

All rights reserved.

2024-02-11

PDF generated using Haiola and XeLaTeX on 21 Feb 2024 from source files
dated 29 Jan 2022

b4bf56fc-6e3d-5a7c-9f55-25d2c3645a88